

Date – 27/11/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Larsap General (Retd) Vijay Kumar Singh an vawiin khan India International Science Festival Chandigarh-a neih tur khuhhawna puala Mizoram Science Center Beraw tlanga hun neih a hmanpui.
2. Mizorama INTACH chapter pahnihna, Lunglei Chapter chu vawiin khan Art & Culture Minister Pu C. Lalsawivungan a hawng.
3. Prime Minister Narendra Modia chuan India space sector in nasa takin rampawn lam sumdawngte a hip tih a sawi.
4. President Draupati Murmu chuan Indian Armed Forces te chuan ram venhimna kawngah theihtawp chhuahin ram hmangaih tak takna nen an thawh thu a sawi.

<><><>

GOVERNOR

Larsap General (Retd) Vijay Kumar Singh an vawiin khan India International Science Festival Chandigarh-a neih tur khuhhawna puala Mizoram Science Center Beraw tlanga hun neih chu a hmanpui

Larsap chuan he hunah hian science tihhmasawna tur leh science thiamnate tangkai zawka hmanga, ram intodelh 'Atmanirbhar Bharat' leh hmasawn 'Vikshit Bharat' ni thei tura hmalakna pawimawh tak, India International Science Festival neih a ni leh tur chu lawmawm a tih thu a sawi a. Science leh Technology tihhmasawn kawnga Prime Minister Pu Narendra Modi leh a changtu Minister Dr. Jitendra Singh te hmalakna chu chhuanawm a tih thu leh tunah chuan India chu khaw awm dan tur hrilhawlk kawnga hmahruaitu leh ram tam takte ngaihchan a ni, a ti a. Mahni pual satellite siam chhuah mai bakah, a awmna tur orbit-a dah thei kan ni chu chhuanawm tiin, India chu khawvel puma ni khat a starts-up tan thar ngah ber leh, tun dinhmuna nei tam ber pahnihna a nih thu a sawi bawk.

Larsap chuan science tel lova khawsak leh hmasawn tura hmalam pan a harsat thu sawiin, vawiina zirlai kalkhawmte chu science ngaihven zual deuh deuh tur leh ram tana thil thar tha zawk ngaihtuah chhuah tum turin a fuih a, IISF atanga hlakna hmuh tum turin a chah bawk a. IISF chu Kût mai nilo khawvel huap beihpui thlakna pawimawh tak - zirbingmi, zirlai, entrepreneur, thil thar thlen duhtu leh mipui nawlpuite hmun khata phuarkhawmtu a nih thu a sawi a. IISF 2025 chuan hmasawna tha zawk siamin helam ngaihvenna thar Mizoramah rawn thlen se a duh

thu sawiin, India ram hmasawn, chak leh intodelh siam nana a tangkai ngei a beisei thu a sawi bawk.

Byte of Governor.....30 seconds.....

He hun a thusawitu dang, Directorate of Science & Technology-a Principal Scientific Officer Pu K. Lalrammuana chuan IISF in science thiamna hmanga hmasawna thlen a tum tih sawiin, mitin tana banphak thiamna vawrh lar a tul thu a sawi a. Science thiamna chu zirlaibuah chauh ni lo a tak a hman tangkai a tul thu a sawi bawk.

Indian Meteorological Centre, Aizawl Director & Head ni bawk Pu Sudheer Kumar Dwivedi chuan inlawmna thu sawiin, IMD hmalaknate a tarlang a. Larsap thurawn angin IMD, Aizawl chuan English leh Hindi bakah Mizo tawng ngeia weather forecast an tarlan thu leh Air Quality Index (AQI) pawh an tarlan zel tawh thu a sawi bawk.

VC

India International Science Festival (IISF) hi Prime Minister hmahlir bawhzuiin kum 2015 atang khan hman tan a ni a, Science pawimawhna leh hmasawn nana chhawr tangkai dan turte inzirtirna neih thin a ni a. India International Science Festival (IISF) tum 11-na hi December 6-9, 2025 chhung hian Chandigarh-ah neih a ni ang.



LADC

Dec 3 a Lai Autonomous Dist Council inthlanpui neih turah Party hrang hrang hruaitu te Campaign in Lawngtlai lam ah an fehchhuak mek a,

Lunglei tlawhtu District Council & Minority Affairs Minister Pu C Lalsawivunga chuan vawiin khan ZPM Southern Headquarters Office Lunglei a tlawh a, a puala inkhawm buatsaihah thu sawiin, Lai Autonomous District Council inthlang tur chungchangah ZPM Party chuan theih tawp an chhuah mek a, an Party Candidate tur chungchang ah pawh fimkhur taka hmalakna nen kalpui ani a ti a, he Council ah hian ZPM Sorkar ala piang ve lova, chuvangin Lai District tan hmalakna leh hnathawh an la nei lo a. He inthlanna lo awm turah hian LADC huam chhunga mipuiten ZPM Sorkar a pian theih nan thawhpui se an duh tak zet a ti.

LADC hnuai inthlanna hnukung ber ah khan CEM panga (5) lai mai an nei hman a, a pawh hle a, Laifa ten an tuar hle a, hmasawna hrang hrangin a tuar a, hetiang thil hi a thlen tawhlohna turin tun inthlan hi a pawimawh tak zet a ti.

Nimin tlai khan Dr.R.Lalthangliana chuan Lawngtlai Bazar Areopagy ah thusawiin, ZPM sawrkar ah District Council ten ngaihsak an hlawh lo ati.

Dr.R.Lalthangliana hian LADC General Election Campaign in Bial hrang hrang a tlawh kual a, Nimin khan Lawngtlai lut leh in, Tlai lamah Areopagy a Public Meeting an neihah thusawiin, Kum 1998-2003 chhung khan Minsiter anih lain District Council enkawl turah tih ani a, khatih lai khan Council a thawkte hlawh pek theih loh an neih a hrelo ati a, ZPM sawrkar in District Council Sawrkar a namnul lutuk chu pawh a tih thu sawiin, Vawin thlenga Thawktute, MR thlengin hlawh pawh

an pe theilo chu zahthlak atih thu a sawi a. District Council chu 6thScheduled hnuaiyah mumal taka enkawl an nih thu sawiin, chu chu State Sawrkar pawhin a zahsak tur anih lain, tuna ZPM sawrkar erawh chuan a pal bawrh bawrh lutuk che u hi a pawl a, Hetiang hi State Sawrkarin a enkawl dan tur a ni lo a ti a, thawktu pawhin a hun takah hlawh an hmu zat zat tur a ni a, chu chu MNF Sawrkar lai pawha an kaldan ani a ti.

Dr.R.Lalthangliana chuan Dampa By-Election ah Chief Minister pawh a tanghle a, Vanlalsailova an hnawl chuan Lalduhawmaa hnawl tihna ani ang a, Vanlalsailova an Vote loh chuan amah an Vote lo aniang ti hiala sawiin, Dampa mipui ten Vanlalsailova kaltlangin Pu Lalduhawma chu an hnawl ta a, ZPM hian an term hi an hmang zo thei angem an thlir zel dawn ni a ti.

MPCC President Pu Lal Thanzara chuan nimin khan Vaseikai-ah Lai District Congress Committee Conference a hmanpui a, thu sawiin LADC ah hian Party hrang hrangte an lo sawrkar tawh a. Congress ni lo Party dangte an sawrkar a piangin thiltitheite induhsak tawna ringawt a ni tih an hre tawh a ti a. District Council zahawmna te pawh tih bawrhban in a awm a. District Council-in zahawmna a neih let leh theihna turin Congress Party an sawrkar leh a ngai a ti. Party mala sorkar ngei an inbeisei a, an thei lo a nih pawhin Congress Party tel lo chuan District Council ah sorkar thar a piang dawn lo a. Sorkar intawm alo piang ta a nih pawhin Congress chu an thawhpui Party te lakah rinawm dawn a. Sorkar ngialnghet siam an tum a ni, a ti.

Pu Lal Thanzara chuan, ZPM Sorkar ang reng reng a, Council sorkar hlam chhiahtu an la awm ngailo a ti a. Anmahni ZPM Party Worker tan pawh an harsatna puhru turin sum leh pai an nei lo a. Congress Party Sawrkar laia an mamawh puhruk a nih thin lai kha hre thar leh turin a duh a ti.

An candidate-te an chak ngei theihna tura theihtawp chhuah a hma lo la ve turin ka ngen che u a ni, tiin Congress leh Lairam mipuite MPCC President Pu Lal Thanzara chuan a sawm a ni.

<><><>

POLLUTION

Mizoram Pollution Board chhinchhiah danin, kumin October thla a lirthei khu endik zat chu a vai a belhkhawmin 8,354 a tling.

MPCB-a thawktuten Akashvani News Aizawl an hrilh danin, lirthei khu endik 8,354 zinga 77-te chuan endikna an paltlang zo lo va, lirthei khu endik zingah hian two wheeler tam berin 5,883 endik a ni. Kum 2024- 2025 sorkar tangka kum chhungin Mizoram pumah lirthei 72,097 endik a ni a, heng zingah hian lirthei 1,078 te chuan endikna an paltlang zo lo bawk.

MPCB hotute sawi danin, lirthei khu endikna hi Aizawlah hmun nga MINECO, Hlimen, Rangvamual, Silaimual leh Zemabawkah te a awm a, Transport department hmalakna in Durtlanga Common Services Center awm chuan lirthei khu an endik theih thu leh Lunglei Lunglawn leh Rahsi Vengah te lirthei khu endikna hi bun a nih tawh thu an sawi bawk.

Kan correspondent report i lo ngaihla ang :

<><><>

INTACH LUNGLEI

Mizorama Indian National Trust for Art and Cultural Heritage (INTACH) chapter pahnihna, Lunglei Chapter chu Art & Culture Minister Pu C. Lalsawivungan vawiin khan Lunglei Convention Centre-ah a hawng.

Pu C. Lalsawivunga chuan kum 1987-a din INTACH Mizoram Chapter zarah dan tha tak The Mizoram Ancient Monuments and Archaeological Sites & Remains Act 2001 neih phah a nih thu leh he dan tlawh chhan hian pi pu hmun hlui 81 lai chu State Protected Monument-ah puan a nih tawh thu te tar langin, Lunglei District lamah pawh Zosapte leh Sapho sulhnu te, pi pute sulhnu hlu tak takte chu humhalh zinga a tel thu a sawi a. INTACH hma laknain Mizoram State Protected Monument pathum – Kawtchhuah Ropui (Vangchhia), Ralven Puk (Vangchhia) leh Lungphun Ropui (Lianpui) te chu National Importance-ah puan a nih tawh thu leh Sawrkar laipui Ministry of Culture hnuai Archaeological Survey of India atangin a chei that nan tanpuina thahnem tak dawn a nih tawh thu te sawiin, INTACH chu ram rohlu leh pawimawhte humhalhtu ber a nih avangin Mizoram sawrkar pawhin a ngaih hlut a, a dah pawimawh thu te, Aizawl Pisapui kangah pawh INTACH duh ang chiaha sak that hna thawh mek a nih thu te a sawi.

Art & Culture Minister chuan Mizoram sawrkarin Mizo hnam tobul leh thlang tlak dan uluk zawka zir leh chhui chiang turin Chief Minister Pu Lalduhoma kaihhruaina hnuai 'Hnam Tobul Zawn Chhuah' Committee a din thu leh nasa taka hma lak tum a nih thu sawiin, INTACH Lunglei Chapter chu phungbawmah sawmin, sawrkar hma laknaa tawiawm zel turin a ngen a. Lunglei District leh a piah chhim lam Mizoram chhunga Zo hnahthlak pi pute hmun pawimawh tak tak chu Lunglei Chapter chuan theih tawp chhuaha zawng chhuakin, Zoram mipui hriata pho chhuak turin hma la se a duh thu a sawi baw.

INTACH hi kum 1984 khan din niin, Delhi-ah hmunpui an neih bakah, India ram hmun hrang hrangah chapter 200 chuang an awm mek a. Tuna Chapter hawn thar Lunglei Chapter-ah hian member 40 awm mekin, Convener chu Rev. Dr F. Sangvela, Co-Convener: Pu K. Lalsanga, Secretary: Pu JC Vanlal Hmuaka, Treasurer: Pu ZH Ropuia te an ni.

<><><>

NEWS

Akashvani Aizawl Regional News Unit in Aizawl Hnahthial, Chawngte, Vairengte leh Champhai North atana Part Time Correspondent a lak tur te interview chu Dec ni 3 khian neih a ni dawn a, diltute chu Dec ni 3 chawhma dar 10.30 ah document kimchang nen Office ah thlen kim tur a ni.

<><><>

AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.



PM

Prime Minister Narendra Modia chuan India space sector in nasa takin rampawn lam sumdawngte a hip tih a sawi. Vawiina Skyroot Infinity Campus internet kaltlanga a hawwnaah he thu hi sawiin Pu Modia chuan sawrkarin space sector lama hmasawna turin insiamthatna kawng tam tak a neih thu a sawi a. Heng space sector ah hian mimal sudmawngte te leh startup te bakah Industry te nen thawhhona tha tak an nei a ti a. Kum lo kal zel turah pawh India in space sector lama a sum thawhchhuah hi apung chho telh telh dawn tih a sawi a. Thalaite tan kawng a hawng chho zel dawn a ni a ti.



PRESIDENT

President Draupati Mumu chuan Indian Armed Forces te chuan ram venhimna kawngah theihtawp chhuahin ram hmangaih tak takna nen an thawh thu a sawi. Vawiina Chanakya Defence Dialogue 2025, New Delhi-a neihah he thu hi sawiin Pi Murmu-i chuan sipaite chuan ram himna dinmun a derthawn changin huaisen takin a hmachhawn thin a ti a. Tunhnaia Operation Sindoor hlawhtlinna pawh ram firfiaka chetna a dona kawnga a thawhrah a nih thu a sawi a. India sipaite theihna hi khawvel pawhin a hriat chian tawh mai bakah remna siam tura a thawhnaah pawh a hmingtha tawh hle a ni a ti bawk.

